

Resolución do 14 de xuño de 2005, do tribunal designado para xulgar o proceso selectivo para o ingreso por promoción interna no corpo auxiliar da Xunta de Galicia (grupo D), pola que se fai pública a data, a hora e o lugar de realización do segundo exercicio da fase de oposición (proba de coñecemento do idioma galego).

En sesión que tivo lugar o día 14 de xuño de 2005, o tribunal designado pola orde da Consellería da Presidencia, Relacións Institucionais e Administración Pública, do 5 de abril de 2005, para xulgar o proceso selectivo para o ingreso por promoción interna no corpo auxiliar da Xunta de Galicia (grupo D), convocado pola Orde do 28 de xuño de 2004 (DOG nº 129, do 6 de xullo) de conformidade co disposto na base II.1.1.2 da convocatoria,

ACORDA:

Primeiro.-Convocar os aspirantes que superaron o primeiro exercicio e que a continuación se relacionan que, segundo a información facilitada pola Dirección Xeral da Función Pública da Consellería da Presidencia, Relacións Institucionais e Administración Pública, non acreditaron a posesión do curso de iniciación de galego ou estudos equivalentes, para realizar o segundo exercicio do proceso selectivo:

1. Fernández Carro, M^a Elena (DNI 32442314).
2. Serantes García, Francisco Xabier (DNI 52470548).
3. Souto Rey, Carmen (DNI 33236193).
4. Villaravid Neira, M^a del Carmen (DNI 52483279).

Segundo.-Que o segundo exercicio da fase de oposición se realizará o día 20 de xuño de 2005, ás 17.00 horas na aula nº 16 da Escola Galega de Administración Pública, situada na rúa Madrid 2-4, Santiago de Compostela, en chamamento único.

Os aspirantes que se citan deberán presentarse para a realización do exercicio provistos do DNI ou documento fidedigno acreditativo da súa personalidade, a xuízo do tribunal, así como bolígrafo ou pluma estilográfica.

Non se permitirá acceder ao recinto onde se realice o exercicio, con teléfonos móbiles, axendas electrónicas e calquera outro material ou instrumento de que se poida valer o aspirante para auxiliarse na realización do exercicio.

Santiago de Compostela, 14 de xuño de 2005.

Raúl Rodríguez Rubio
Presidente do tribunal

Resolución do 15 de xuño de 2005 do tribunal designado para cualificar o proceso selectivo para o ingreso por promoción interna no corpo administrativo da Xunta de Galicia (grupo C).

En sesión que tivo lugar o día 14 de xuño de 2005, o tribunal designado pola orde da Consellería

da Presidencia, Relacións Institucionais e Administración Pública do 5 de abril de 2005 para cualificar o proceso selectivo para o ingreso por promoción interna no corpo administrativo da Xunta de Galicia (grupo C), convocado pola Orde do 28 de xuño de 2004 (DOG nº 129, do 6 de xullo), e de conformidade co establecido na dita orde de convocatoria,

ACORDOU:

Primeiro.-Vistas as reclamacións e alegacións presentadas polos opositores, e estudadas estas, acórdase o seguinte:

-Anular as preguntas 2, 18 e 19 do exame, estimando as reclamacións presentadas, sendo substituída polas preguntas de reserva (preguntas 21, 22 e 23)

-Corrixir o modelo de respostas correctas no referente ás preguntas 3 e 17, sendo as respostas correctas a B e D, respectivamente.

Segundo.-Desestimar na súa totalidade as restantes reclamacións e alegacións presentadas.

Santiago de Compostela, 15 de xuño de 2005.

Ramón Talín Mariño
Presidente do tribunal

CONSELLERÍA DE EDUCACIÓN E ORDENACIÓN UNIVERSITARIA

Anuncio do 25 de maio de 2005, da Dirección Xeral de Persoal, polo que se comunica a apertura dun prazo para solicitar prazas de interinidades e substitucións para impartir os módulos profesionais de elaboración e reparación de audioprótese e o de elección e axuste de próteses auditivas.

Resultando necesario para o próximo curso académico 2005-2006 a contratación de profesores especialistas para impartir os módulos profesionais de elaboración e reparación de audioprótese o de elección e axustamento de próteses auditivas, efectúase esta convocatoria conforme as seguintes bases:

Primeiro.-Requisito de titulación.

Módulo de elaboración e reparación da audioprótese: título de audioprotesista.

Módulo de elección e axustamento de próteses auditivas: licenciatura ou diplomatura en temas relacionados coa logaudioloxía.

En defecto da titulación, contar polo menos cun ano de experiencia profesional nas áreas a que se fai referencia no punto 1 do baremo.

Segundo.-Prazo de solicitude.

O prazo para presentar a instancia de solicitude, na Consellería de Educación e Ordenación Universitaria ou nas súas delegacións provinciais, será de

vinte días naturais contados a partir do día seguinte ao da publicación deste anuncio no DOG.

Terceiro.-Modelo de solicitude.

O modelo de solicitude poderá ser recollido na Consellería de Educación e Ordenación Universitaria, nas súas delegacións provinciais, e está á disposición tamén na páxina web da consellería, no enderezo www.edu.xunta.es profesorado/interinos-substitutos/convocatorias apertura de listaxes de substitutos, servizo de secundaria (documentos relacionados).

Cuarto.-Comisión baremadora.

A asignación da puntuación que lles corresponde aos concursantes será levada a cabo por unha comisión nomeada polo director xeral de Persoal e constituída por tres funcionarios destinados en esta dirección e dous profesores que estean impartindo docencia no ciclo formativo de audioprótese.

Quinto.-Baremo.

1. Experiencia profesional.

1.1. Por cada mes de experiencia docente na área de audioprótese ou de audioloxía: 0,25 puntos.

1.2. Por cada ano de experiencia profesional na elaboración e reparación das próteses auditivas, en montaxes de gabinetes audioprotésicos, na elección e axustamento de próteses auditivas tanto en adultos como en nenos, en logaudioloxía ou fonoaudioloxía necesaria para as técnicas, métodos e formas de comunicación e psicoloxía do hipoacúsico: 0,20 puntos.

1.3. Por cursos impartidos relacionados coa audioprótese ou a audioloxía: 0,05 puntos por cada hora, ata un máximo de dous puntos.

2. Actividades de formación.

Por actividades de formación relacionadas coa audioprótese:

Por cada hora: 0,04 puntos ata un máximo de tres puntos.

Santiago de Compostela, 25 de maio de 2003.

Severino Somoza Gómez
Director xeral de Persoal

Anuncio do 27 de maio de 2005, da Dirección Xeral de Persoal, pola que comunica a apertura dun prazo para solicitar prazas de interinidades e substitucións no corpo de profesores de música e artes escénicas, especialidades vinculadas ás ensinanzas superiores de arte dramática.

Comunícase que está aberto o prazo para posibles interinidades ou substitucións para o corpo de profesores de música e artes escénicas nas especialidades vinculadas ás ensinanzas superiores de arte dramática que se publican no anexo.

O prazo para presentar a instancia solicitude, na consellería ou nas delegacións provinciais, será de 10 días naturais contados a partir do día seguinte ao da publicación deste anuncio no DOG.

O baremo axustarase ao publicado no anexo desta resolución.

O modelo de solicitude atópase na Consellería de Educación e Ordenación Universitaria ou nas súas delegacións provinciais.

A asignación da puntuación que lles corresponde aos concursantes será levada a cabo por unha comisión constituída por funcionarios destinados na Consellería de Educación e Ordenación Universitaria. Esta comisión estará cualificada na categoría primeira para efectos do previsto no Decreto 299/1990, do 24 de maio.

Santiago de Compostela, 27 de maio de 2005.

Severino Somoza Gómez
Director xeral de Persoal

ANEXO

Baremo de contratación para prazas de interinidades ou substitucións no corpo de profesores de música e artes escénicas, especialidade arte dramática

1. Méritos académicos.

1.1. Expediente académico.

-Pola nota media de notable na titulación alegada para acceso ás prazas: 1 punto.

-Pola nota media de sobresáinte na titulación alegada para acceso ás prazas: 2 puntos.

1.2. Por cada título oficial de doutor, licenciado, enxeñeiro ou arquitecto distinto ao alegado como preferente: 1 punto.

1.3. Por cada título oficial de diplomado, enxeñeiro técnico ou arquitecto técnico distinto ao alegado como preferente: 0,50 puntos.

1.4. Por cada título de profesor de conservatorio de música distinto do alegado como preferente non asumido no punto 2.2.: 0.50 puntos.

1.5. Polo certificado de especialista en lingua galega: 1,50 puntos.

1.6. Polo certificado de perfeccionamento de lingua galega: 1 punto.

1.7. Polo certificado de iniciación de lingua galega: 0,50 puntos.

Os puntos 1.5, 1.6 e 1.7 son incompatibles entre si.

2. Experiencia docente: ata un máximo de 6 puntos.

2.1. Por cada ano de experiencia docente en ensinanzas de arte dramática en centros autorizados: 1 punto.

2.2. Por cada ano de experiencia docente noutras ensinanzas: 0,25 puntos.